



UTABIRI WA HALI YA WINGI WA MAJI KATIKA MTO RUVU KWA KIPINDI CHA DESEMBA 2025 - FEBRUARI 2026



Imeandaliwa na;

**Bodi ya Maji Bonde la
Wami/Ruvu**

P.O. Box 826, Morogoro—Tanzania

Phone: 0800114031 / 0800114032


E-mail barua@wrbwb.go.tz

Website: www.wrbwb.go.tz

Desemba, 2025

1. UTANGULIZI

Bodi ya Maji Bonde la Wami/Ruvu imeandaa na kuwasilisha utabiri wa hali ya wingi wa maji katika Mto Ruvu (**Kielelezo Na.1**) kwa kipindi cha Mwezi Desemba 2025 hadi Februari, 2026 ili wadau wa Mto Ruvu katika sekta ya Kilimo, Mifugo na Uvuvi, Ujenzi, Viwanda, Utalii na Mamlaka za Maji Safi na Usafi wa Mazingira waweze kujua hali ya mwenendo wa wingi wa maji. Aidha, utabiri huu umezingatia utabiri wa hali ya mvua na Joto kutoka Mamlaka ya Hali ya Hewa Tanzania (TMA) kwa kipindi cha Mwezi Desemba 2025 hadi Februari, 2026¹.



Kielelezo Na.1: Vituo vilivyotumika kufanya utabiri wa wingi wa Maji katika *Catchment* ya Mto Ruvu

1.1 ATHARI ZINAZOWEZA TOKEA

Ongezeko la wingi wa maji ukilinganisha na mahitaji ya sekta tajwa kutokana na kupungua kwa wingi wa maji katika Mto Ruvu kwa kipindicha Mwezi Desemba 2025-Februari 2026.

¹ Taarifa ya Mwelekeo wa Mvua zilizotolewa na Mamlaka ya Hali ya Hewa Tanzania


2. UTABIRI WA HALI YA MAJI

Utabiri wa hali ya wingi wa maji katika Mto Ruvu umefanyika kwa miezi mitatu ijayo kuanzia [Desemba 2025-Februari 2026](#) kama inavyoonekana katika Jendwali Na. 1; -

Jendwali Na. 1: Utabiri wa hali ya wingi wa maji Mto Ruvu katika kituo cha *Ruvu river at Morogoro road bridge (1H8A)*.

Jina la Mto	Utabiri wa Hali ya Wingi wa Maji	Kielelezo
<i>Ruvu river at Morogoro road bridge (1H8A)</i>	Utabiri unaonyesha mwelekeo wa wingi wa maji katika Mto Ruvu utaongezeka na kuwa juu ya wastani katika kipindi cha Mwezi Januari 2026 ukilinganisha na wastani wa muda mrefu (2009 – 2024) kama inavyoonekana katika Kielelezo . Hata hivyo, kiasi cha maji kitapungua Mwezi Februari, 2026 kutokana na uhaba wa mvua katika safu ya Milima ya Uluguru. Aidha, Utabiri unaonyesha kiasi cha maji kilichopo kwa sasa na baada ya miezi mitatu (Desemba 2025 - Februari 2026) kitatosheleza mahitaji ya sekta tajwa hpo juu ambayo ni mita za ujazo sita (6) kwa sekunde.	

Utabiri unaonyesha kwa Kipindi cha Mwezi Desemba 2025 -Februari 2026 wastani wa ujazo wa maji utafikia mita za ujazo milioni 118.5. Ujazo huu ungeweza kujaza Bwawa la Kidunda yenye uwezo wa mita za ujazo Milioni 190 kwa asilimia 62 kama Ujenzi wa Bwawa ungekuwa umekamilika.



3. USHAURI

Bodi ya Maji Bonde la Wami/Ruvu inazishauri sekta za Kilimo, Madini, Ujenzi, Utalii, Ufugaji na Uvuvi, Viwanda na usambazaji maji majumbani kuzingatia mambo yafuatayo; -

a) Mamlaka za Maji Safi na Usafi wa Mazingira Mjini (UWSSA) na Wakala wa Maji Safi na Usafi wa Mazingira Vijiji (RUWASA)

Bodi inazishauri Mamlaka na Wakala wa Maji Safi na Usafi wa Mazingira kutumia maji yalipo kwa uangalifu na kuhakikisha wanathibiti mivujo. Aidha, Mamlaka na Wakala wanashauriwa kuhakikisha wanakuwa na njia mbadala ya upatikanaji wa maji ikiwemo visima virefu endapo kutatokea upungufu wa maji katika Mto Ruvu

b) Kilimo

Bodi inasisitiza wakulima kutumia maji kwa ufanisi zaidi kwa kuzuia upotevu wa maji katika mashamba yao na kuhakikisha mifereji imejengewa, pia kuyarudisha maji Mtoni pindi wanapomaliza kuyatumia. Aidha, wakulima wanashauriwa kuzingatia ushauri wa Maafisa Kilimo juu ya umwagiliaji wa mazao katika maeneo yao kwa kuzingatia kalenda ya umwagiliaji na kuzuia umwagiliaji wa kila siku ili watumiaji wengine waliopo chini waweze kunufaika. Pia, Bodi inawataka wakulima kuchepusha maji kutoka mtoni kama yalivyoanishwa katika vibali vyao vya matumizi ya maji. Sekta ihakikishe inaweka kipaumbele katika ujenzi wa miundombinu ya mabwawa ya kimkakati ili yaweze kutumika kipindi cha kiangazi ambapo kunakuwa na uhaba wa maji Mtoni.

c) Ufugaji na Uvuvi

Bodi inashauri sekta kuhakikisha mifugo zinanyweshwa katika maeneo yaliyotengwa na kujengewa mabirika, pia Halmashauri za Wilaya kuhakikisha mifugo zinalishwa katika maeneo yaliyoanisha katika mpango wa matumizi bora ya ardhi ili kuepusha uchafuzi na uharibifu wa vyanzo vya maji. Aidha, uvuvi wa kutumia sumu na kuweka vizuizi katika vyanzo vya maji hauruhusiwi.

d) Madini

Bodi inashauri Sekta ya Madini na Halmashauri za Wilaya kuhakikisha uchimbaji na uchenjuaji wa Madini unafanyika nje ya vyanzo vya maji ili kulinda ubora wa maji kwa watumiaji mbalimbali.

e) Ujenzi

Bodi inasisitiza sekta kuomba vibali vya matumizi ya maji kwa miradi inayokelezwa katika Wilaya ya Morogoro, Kibaha na Bagamoyo.

f) Utalii

Kina cha maji kitaendelea kupungua hali itakayoathiri makazi ya wanyama waishio majini wakiwemo Viboko, Mamba na Samaki, hivyo Bodi inashauri sekta kufuatilia kwa ukaribu mwenendo wa maisha ya wanyama hao kwa kipindi cha Novemba 2025-Januari 2026.

4. HITIMISHO

Bodi itaendelea kufuatilia kwa ukaribu zaidi hali ya wingi wa maji katika Mto Ruvu kwa kufanya utabiri wa vipindi vifupi vya kila baada ya siku kumi na kuwahabarisha wadau wake ili waendelea kuchukua hatau za tahadhari dhidi ya upungufu wa wingi wa maji utakaoweza kujitokeza.